

AQUAREL

Lugliol tre ore dopo mezzogiorno
 El teren scota, l'aria xe de fogo,
 Par de esser cascadi dentro un forno
 O condanadi come strighe al rogo.

Su in Piazzal de San Giusto son mi solo.
 Me boi la testa, el vestito me pesa
 (Se resto qua xe zerto che me scolo).
 Zerco un riparo: èco! entremo in Chiesa!

Xe tuto scuro, solo do candele
 Ardi quiete fumando su un altar.
 Ringrazio Dio de aver salvà la pele
 E me sento su un banco a riposar.

Son solo? no! de l'altra parte sento
 Vignirme un pss pss strassinà in sordina;
 Strenzo i oci e te vedo a stento a siento
 Una dona che prega là vizina.

Cò se abitua la vista a poco a poco
 Al scuro fisso che ghe xe là drento
 (E ve assicuro ga durà un bel toco!)
 Vedo la vecia meo: ve la presento:

Viso pallido, naso tabacoso,
 (El vero tipo de la basapile),
 La me cucurva con far sospetoso,
 Co' un'aria fra el rimprovero e la bile.

Perchè? no sol forsi la pretendeva
 De aver la chiesa a sua disposizion,
 Opur ne la sua testa ghe pareva
 Che no gavessi troppa devozion.

Fato stà che capivo chiaro e tondo
 Che per ela ghe ierò una secada.
 Pazienza! le xe robe de sto mondol
 Ciorla in dolze e petarqhe una ridada!

Iero drio à strollgar su ste miserie
 E pensavo tra mi: ma val la pena
 Sto sporco mondo pien de cattivitàe?
 Cò' un altro personaggio entra in scena.

Nel lume dela porta se prospeta
 Un putel de sie ani o poco sora:
 Scalzo, strazon, con in man la bareta
 Onta, e le braghe coi zenoci fora,

A piccoli passeti de riguardo
 El vien avanti con la boca streta
 E el fila drito (intanto che lo guardo)
 Verso la pila de aqua benedeta.

Ma la conca xe alta e lu nol riva
 A tociar con la man dentro ala vasca.
 El studia su un momento e po' de briva
 El ga risolto: in testa el gà la rascal

El xe ràmpiga sù per la colona,
 Con la destra el va dentro ne la pila
 Po' el salta zò, e guardando una Madona,
 El fa la crose e la vecia se imbilal

Capirèl co la vedi che el muleto
 Gà la bareta in testa, tuta zala
 De fufa, la lo investi: Maledeto
 Mulon! Ma che! bruto mulo de stalal

Co la bareta in testa, vergognoso!
 In casa del Signor; che farabuto!
 Te finirà all'Inferno, can rognoso!
 No xe più religion! xe dito tutol

La ghe zigava a lù, ma qualche ociada
 Butada de traverso sul mio banco
 Me fazeva capir che la becada
 Ghe andava al mulo, ma anca a quel de fiancol

Intanto che la vecia lo tartassa
 E el picio resta fermo, senza vose,
 Un dedo in boca e con la testa bassa...
 El Cristo ghe soridi dala Croasel